

Enformaziuns y Comunicaziuns

Ores d'adoraziun: LÖNESC DE PASCA DE MÀ *dales 8:00 ales 9:00:* Mantëna, Gran Pré, Ras, Costa, Val, Chës Costes, Valiares, Pelegrin, Costata, Ciasé, Col; *dales 9:00 ales 10:00:* Al Plan Dessora y Al Plan Dessot.

Prozesciun: En sabeda ai 14 de jügn gnaràl endò fat la prozesciun sö La Crusc. An pëia ia ales 3:30 da dljia d'Al Plan demez.

Sontada: Le Consëi de Ploania röa adöm por na sontada en dédemesaledema ai 11 de jügn ales 19:30, ete Pré Martin.

Aodanzas: Stimada Comunité, al n'è nia dio ca che an à motü man da publiché sön la Plata les aodanzas ales porsones co complësc 80 y plü agn. An à endere odü che valch n'è nia encontonc. La publicaziun ea ponsada por fà na ligrëza, mo sce la cossa ne fej nia plajëi, ne n'al nia cis significat. Porchël ne gnarà les aodanzas nia plü publicades. Sce zacai ô che les aodanzas a d'ël/ëra o a en so familiar vëgni motüdes sön plata, pöl ienn se lascé adentëne - dagnora anter le dédemesaledema. Le critër dai 80 agn romagn.

Çiasa dla Solidarieté: La Çiasa dla Solidarieté (ÇdS) a Milland ti pîta aiüt y alberch a jont de Südtirol y da foradecà co è roada te na ria situaziun, çina che cöstes porsones ciafa en laür o en n'atra abitaziun. Cösta çiasa ea te na strotöra de misionars y à sën ciafé en post nò tla Çiasa "Jakob Steiner", mo l'aministraziun enstëssa mëss fistidié dai laürs d'adatamont. Por cori i cosé à la ÇdS motü da jì la "Aziun de 1 euro", co jarà dertan i mondai dal palè, dai 12 de jügn ai 13 de messé. Le ponsier: sce vigne porsona contribuësc con en euro, jarà saorì da cori i cosé. Ince nosta ploania contribuësc coenn adöm spënores por daidé. Al gnarà coü adöm na oferta en gaujiun dla mëssa de conclujiun dal ann de scora, ai 13 de jügn ales 8 da doman. Laprò ciafun te biblioteca, plü botëghes y locai publics de pices scatores olache an po contribuì con n'offerta che an arata dërta. Iolan a dötes les porsones co darà en so contribut.

Seniorenclub: En dédemesaledema ai 11 de jügn va le Seniorenclub Mareo en jita. An pëia ia ales 13:00 dan le magazinn dai stödaflüs d'Al Plan, por jì a Meransen y da danlò ennant za. 1 ora a pè tal Altfasstal (1.644 metri). S'anunzié prëibel pa Lidia Taibon al 339/7899107.

Apoteca: Al vën lascé alessëi che l'apoteca romagnarà slüta tla edema dai 15 ai 22 de jügn.

Curs: Les margatënteres dai Scizeri d'Al Plan adöm al Consëi de Formaziun organisëia en domisdé olache al vën mostré cò se mëter adöm i ciöf por i corgn dles uniuns y val' picolëza da mëter sön le çiapel. An s'encunta en sabeda ai 21 de jügn ales 15:30, te stöa dai Scizeri (ia dles scores basete). Al sarà da paié le material y i ciöf che an po se tó empara. Le prisc vën fat aladò dal numer de partezipanç. Da s'anunzié èl anter i 13 de jügn pa Judith al 347/8353097.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - çina al dédemesaledema sëra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o ince www.valbadiaonline.it



Ploania
d'Al Plan
de Mareo

La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefôn y fax de calogna 0474/501006



VAL BADIA

Solenité de Pasca de Mà - Les Ores, ai 08.06.14 - nr. 28

Le Spirit Sant ne
motivëia nia mà da
avëi fede, mo soradöt
da la encündé.
Nos cherdun te Gejù
Crist. En iade con plü
convinziun, en iade
manco - chël n'è nia
grave; ince i apostui ea
tal pröm plëns de

Mëna sora de
nos to Spirit
Sant



dübi. Avëi fede y
encündé la fede -
chëra ne va nia dagnora
tan saorì. Al ô ester
coraje. Rodunt porchël
adorunse ince nos,
desco i apostui, la
forza dal Spirit Sant,
por crëie, y encündé
çi che i cherdun.



S.Mësses y Funziuns dal 08 ai 15 de jügn 2014

Domëgna: 08.06: Solenité de Pasca de Má – Les Ores



Oferta por i bojügns dla Ploania

N.B.: 8.00 - 10.00 Ores de adoraziun

10.00: S.M. por döta la Ploania
S.M. ad intenziun dal Spirit Sant

11.00: Ora de adoraziun: Benedisciun solenne

Lönesc de Pasca de má: nia de prezet

N.B.: 8.00 - 10.00 Ores de adoraziun

10.00.: S.M. en onú dal Spirit Sant y S.Ojöp
S.M. por +nc' Jepele y Loise Call, Bocaria
S.M. por +nc' Palfrader da Viena

Lön. 09.06:

Dédol. 10.06: **Mem. dal Beat Enri da Balsan, Sa.Diana**
vijita te dlijia y cortina

Dédem.11.06 **Festa de S.Barnabas apostul, Sa.Paula, Sa.Alice**

18.00: S.M. por +nt Pitscheider Richard
S.M. por +nt Vijo Agreiter, Antersì
S.M. por +nta Ties Nese, dal Nora

Jöbia 12.06: **Jöbia dla 10. edema dal ann: S.Leo**
vijita te dlijia y cortina

Vëndr.13.06.: **Mem. de S.Antone da Padoa – fin dal ann de scora**

8.00: S.M. de reng. dal ann de scora 2013 - 14
S.M. por +nt Giovanni Planatscher, Sorega
S.M. ad int. en onú de S.Antone por i tiers te munt
S.M. por +nta Veneranda Piazza Rindler

15.00: Ora de adoraziun y oraziun

Sab. 14.06.: **Sancta Maria in sabato: Prozesciun sö La Crusc**

3.30: Prozesciun sö La Crusc


14.00: S.M. da noza por i nüc' Tschaffert Renato y Sorá Martina

17.00: Poscibilité da se pissié

18.00: S.M. por +nc' de Paul y Waltraud Trebo, Mantëna
S.M. por Fam. Alessandri y Bratti
S.M. por +nc' Pire, Nane y Hansi Flöss
S.M. por +nta Trebo Obojes Marta

Domëgna 15.06.: **Festa dla SS.Trinité – Vangele 13,16-18**

Oferta por i bojügns dla Ploania



9.30: Oraziun dla domëgna, corona

10.00: S.M. por döta la Ploania
(Festa diozejana dla Familia)

AODANZES: Döt le bun, sanité y benedisciun a
Maria Castlunger *08.06.1929 - Marta Rubatscher *09.06.1932
y a düc chi co à santennom y complësc i agn cöst'edema.

PASCA DE MÀ

"Vi, Spirit Sant, enflama le cör de tû fedeil!"

(Liturgia)

Le dè lominus de Pasca de Mà ne conësc degöna sëra, déache so sorëdl, co è Amur de Dío,
ne va mai a florí.

Dötes les creatöres,
sides piceres co granes,
à sôa raïsc tal amur dal Creatur.

Tles operes grandioses dla creaziun
se manifestëia le amur sonza fin de Dío.

Le amur che Dío nes à scinchè, è le Spirit Sant,
co è l'espresciun dal amur ennanter le Pere y le Fí.

"Ne savëise nia, che os sëis
tompl de Dío

y che le Spirit Sant abitéia te osc cör?"

A cösc messunse ponsé plö gonot.

De cösc dësson rengrazié!

Cösc plej a Chël Bel Dío
y dà a nos ligrëza y forza.

(Laldun le Signur)



R. Seibold

*Geist ist Mut zum Leben, wo man ihn
nicht für möglich halten sollte.*

Ferdinand Ebner



La comunité ti fej les mius aodanzes ai nüc

Renato Tschaffert y Martina Sorá

co se dij de sciö dan da Chël Bel Dio.

Che la benedisciun de Dio i acompagnëii.



La comunité d'Al Plan ti aoda

döt le bun, sanité y benedisciun ai geniturs

Renato Bernardelli y Evelyn Obojes

por la nasciüda de picio LUCA.

AVIS: I stödafüs d'Al Plan lascia alessëi, che en dédemesalëdema, ai 11.06.2014, dales 8.00
ales 11.00, vëgnel ciaré do ales bomboles da destödë le fü. Düc chi co à debojügn dess jì con
söes bomboles ia dal local dai stödafüs.

Sorvisc dai Ministróné

Lönesc 09/06 (10:00h), Dédemesalëdema 11/06 (18:00h), Vëndres 13/06

(07:10h): Gabriel Trebo, Miller Francesco Suani;

Sabeda 14/06 (18.00h): Luianta Clara, Esther Comploi, Samuel Castlunger,
Mark Kastlunger, Simon Obwegs, Max Palfrader;

Domëgna 15/06 (10:00h): Florian, Stefan y Marlene Palfrader, Max Clara,
Caroline, Daniel y Herbert Piazza

